

Maestría ipan Totlahtol iwan Tonemilis

Tenohnotzalistli - Xikalaki - Febrero 2022

Universidad Veracruzana (UV), ika Universidad Veracruzana Intercultural (UVI), innawak masewal tepemeh tlen powih Mexihko, akinmeh miak xiwitl kihtohtiwitzeh ma mopatiittakan masewal tlahtolmeh iwan masewal totekayohmeh kampa ihkon ma mochikawalti itlatlamanyoh Mexihko, kinyolselia masewal tlahtolmeh kemeh tlahtolmeh yoltokeh, yankuikah iwan chikawakeh, kinewaltia tlanawatilkotontli 2 itech Weyi Amatlanawatilli tlen powi Estados Unidos Mexicanos, iwan tlanawatilkotontli 7, 9 iwan 11 tlen powih Ley General de Derechos Lingüísticos de los Pueblos Indígenas, kinyolewah mexihkameh iwan pinomeh, akinmeh kinekih kalakiskeh momachtiskeh ipan metztli Febrero 2022 ipan Maestría ipan Totlahtol iwan Tonemilis (MTT), ma momachiotikan noso ma moihkuilokan ipan tlamotzkiltilli: <https://www.uv.mx/escolar/posgradoenero2022/>

Inin momachtistli wehkawas ome xiwitl (2022-2024) iwan motemakas nochi ika nawatlahtolli. Inin maestría kitemosneki nawatlahtohkeh akinmeh yi omomachtihkeh licenciatura, iwan kinekih momachtiskeh iwan tekipanoskeh ipan semeh ininkeh tlatemolisohmeh:

- Tlahtolkuepalistli iwan tepantlahtolis interkultural
- Tlahtoltekiwahkayotl, tlahtolyekanalís iwan tlahtolyolitilis
- Tlahtoltlamachtilis

Tlamachtilli tlen inin MTT mochiwas ipan tonalli viernes iwan sabado, kawitl 8:00am ik 16:00pm, iwan tlan nohwan onkas kokolistli timonechikoskeh ika teposamatl tlan tekiwahmeh tlen UV ihkon technawatiskeh . Wan keman panotos inin kokolistli tlen tlamawa, wahka pewas tlamachtilli iwan mochiwas itech tlamachtilyan UVI Wehweyi Tepemeh, itech altepetl Tequila, Veracruz. Inin tenohnotzalistli tlapohtos itech tonalmeh tlen pewah 10 tlen septiembre iwan tlamis 4 tlen octubre, xiwitl 2021. Kualtis tiktemos inin tenohnotzalistli itech in portal de aspirantes tlen monextia ipan iteposama UV. <https://www.uv.mx/escolar/posgradoenero2022/>

Tlen Moneki:

1. Ximomachiotikan itech internet ipan 10 metztli septiembre ik 04 metztli octubre itech inin xiwitl 2021.
2. Pampa kualtis tikchiwas ixtlamatlatomachiwaloni xitlaxtlawakan ipan 10 metztli septiembre ik 05 metztli octubre itech inin xiwitl 2021.

- a) Tlen mexikameh tlaxtlawaskeh: \$1,165.00
- b) Tlen pinomeh (extranjero): \$3,406.00

3. Xiktlehkoltikan se yankuik ixkopinkayotl (archivo digital infantil) ipan tonalmeh 10 metztli septiembre ik 11 metztli octubre ipan xiwitl 2021. Tla amo inkitlehkoltisek amo kuantis inkichiwaskeh ixtlamatlatomachiwaloni. Xikonistlakokan tlanohnotzalistli tlen kahki ixko internet wan xikpachilikan ipan **ken kichiwa ixkopinkayotl**.
4. Moneki xikpiakan seh tepostlahkuiloni noso teposamatl tlen kualli ma tekipano wan ma kipixto cámara web, micrófono wan nochi tlen konnehneki tlanohnotzalistli tlen kahki ixko internet, xikpachili **kalihtik ixtlamatlatomachiwaloni**.
5. Xikonpia nochi ixtlamatlatomachiwalonimeh wan nochi tlen kitlahtlani xikpiakan ik inkinekih innmomachtisek inin weyi ixtlamachtistli ipan tonalmeh 19 metztli octubre ik 05 metztli noviembre itech inin xiwitl 2021.
6. Xikonchiwakan ixtlamatlatomachiwaloni Examen Nacional de Ingreso al Posgrado (EXANI III itech internet ompa nimokalihtik noso kanin kuantis inmosalosseh) ipan tonal 13 metztli noviembre itech inin xiwitl 2021 ipan kawitl tlen mechonawatiskeh (kawitl mexiko xikaltepetl) machiohtiwitz itech nimokredensial tlen ika inkonchiwaskeh ixtlamatlatomachiwaloni.

Ken timomachiotis ipan teposamatl:

1. Achto moneki kualli tikpowas inin tenohnotzalistli.
2. Ximomachioti ipan teposamatl web. Xikpehpena ipan Humanidades, Maestriah ipan Totlahtol iwan Tonemilis, iwan kuantis timomachiotis ipan semeh tonalmeh tlen pewah tonalli 10, metztli septiembre, iwan tlamih tonalli 4, metztli octubre, ipan xiwitl 2021.
3. Xitlaxtlawa tlen moneki pampa kuantis tikhkuilos Examen de Habilidades en Náhuatl (EXHANA). Kuantis titlaxtlawas ipan semeh tonalmeh tlen pewah tonalli 10, metztli septiembre, iwan tlamih tonalli 5, metztli octubre, ipan xiwitl 2021. Satepan inin tlatlawilli nesis ipan teposamatl keman panotos ome tonalli.
4. Xiktlehkolti ipan teposamatl se amatlahkuilolli kanin nesi noso monextia kanin mochan. Kuantis tiktlehkoltis inin amatlahkuilolli ipan 10, metztli septiembre, iwan tlamis tonalli 7, metztli octubre, ipan xiwitl 2021.
5. Moneki tiktlehkoltis ipan teposamatl moamawan ipan semeh tonalmeh tlen pewah 10, metztli septiembre, iwan tlamih 15, metztli octubre, xiwitl 2021. Moneki tiktlehkoltis ininkeh amameh:
 - a. Amatl tlen kiltowa kanin tineski noso titlakatki (acta de nacimiento o copia certificada del acta de nacimiento en línea (www.gob.mx/actas)).
 - b. Amatl tlen kiltowa yi otiklaxtlawih tlatamachiwaloni (comprobante de pago de examen).

- c. Currículum Vitae (san ken tikneki tikhkuilos), iwan amatl (Copias de la documentación que lo acredite).
 - d. Carta de exposición de motivos kanin tikhkuilos tlen tikneki timomachtis inin maestriah.
 - e. Título profesional, noso se amatl tlen kihtowa yi otitlanki monemachtilis.
 - f. Certificado o constancia de calificaciones de la licenciatura, amatl tlen kihtowa tlen ixtlamachtistli otimomachtih, noso tlen calificaciones otikkixtih ipan licenciatura. Moneki tikpias promedio 8 noso okachi. Tla otimomachtih wehka ipan okse tlanantli, moneki tiktemakas equivalencia.
 - g. Se amatl kanin okse tlamachtih, noso moteko, ma tlahkuiloh kox mitzixmati iwan ken mitzitta (Carta de recomendación)
 - h. Se amatl kanin okse tekiwa noso se altepeixtlamatki (tepahtih, activista, teopixki, noso okse ixtlamatki) ma tlahkuiloh kox mitzixmati iwan ken mitzitta (Carta de recomendación)
 - Keman panotos makuilli tonalli, moneki tikalakis ipan moportal ika mofolio UV iwan mocontraseña iwan tikittas tlan kiselihkeh moamawan, tlan amo kiselihkeh, wahka sampa xiktlehkolti moamawan.
6. Xiktlehkolti ipan teposamatl se moixkopinka tle yankuik (archivo digital infantil). Kualtis tiktlehkoltis inin ixkopinkayotl ipan 10, metztli septiembre, iwan tlamis tonalli 11, metztli octubre, ipan xiwitl 2021.
- Keman panotos ome tonalli, moneki tikalakis ipan moportal ika mofolio UV iwan mocontraseña iwan tikittas tlan kiselihkeh moixkopinka, tlan amo kiselihkeh, wahka sampa xiktlehkolti moixkopinka.
7. Xikkixti mo kresensial tlen tlatamachiwalli (credencial para el examen). Kualtis tikkixtis inin mocredencial ipan 18, metztli octubre, iwan tlamis tonalli 12, metztli noviembre, ipan xiwitl 2021.

Tlen moneki pampa tikalakis:

8. Moneki tiktitanilis se tlahkuilolistli tlayekanketl tlen Maestriah, Dr. Rafael Nava Vite (rafnava@uv.mx) iwan yeh mitzihlis tlen tonalli tikchiwas tlatamachiwalistli (examen y entrevista).
- a) Moneki timotlapowis (entrevista) itech zoom ika temachtihkeh tlen maestriah). Kualtis timotlapowis ipan 21, metztli octubre, iwan tlamis tonalli 27, metztli octubre, ipan xiwitl 2021.
 - b) Moneki tikchiwas Exameh de Habilidades de Náhuatl (EXHANA). Tikchiwas ipan 28 metztli octubre 2021.
 - c) Moneki xiktitanili motlatemolistekih (anteproyecto de investigación y/o intervención) ika nawatli ipan PDF, tlen kiyekana inin maestriah. Kualtis tiktitanilis ipan 5, metztli octubre, iwan tlamis tonalli 20, metztli octubre, ipan xiwitl 2021.

Moneki tikchiwas EXANI III ipan teposamatl (en línea, desde casa):

9. Xikchiwaka ixtlamatlatomachiwaloni ipan tonal Examen de ingreso ipan tonal 13 metztli noviembre itech inin xiwitl 2021 ipan kawitl tlen mitznowatiskeh (kawitl mexiko xikaltepetl) machiohtiwitz itech mokredencial tlen ika tikonchiwas ixtlamatlatomachiwaloni. Tlen tikpias nawi kawitl iwan tlahko pampa xikonchiwa.
10. Xikwikato seh moxayakteixpankayo (yeh kualtis INE noso Pasaporte).
11. Amo kualtis okse kawitl noso tonalli tikchiwas moixtlamatlatomachiwaloni.

Tlen kisallistli:

12. Xikontemo ken otikiski ipan tonal ixko internet ipan tonal 7 metztli diciembre itech inin xiwitl 2021.
13. Akinmeh momachtisnekih moneki kahxitiskeh nochi tlapowal tlatomachiwalli tlen kontlahtlanih weyi ixtlamachtilismeh.
14. Inin mofolio UV xelolkisas ik ken achi oninkistiahken ika tlatomachiwaloni itech tlatlamantli ixtlamachtilistli.
15. Pampa motlapos seh tlamachtilistli moneki ma kipia akinmeh momachtiskeh, keskimeh okipanoltihkeh ixtlamatlatomachiwalli tlen mexikameh noso pinomeh. Tlamo, amo motlapos, ikuahkoni niman motlapowiskeh inawak tlayekanki ipan inin tlamachtilistli tlen itokatzin Rafael Nava Vite (rafnava@uv.mx).

Machiotilistli:

16. Tla otikitak ixko internet akinmeh onikipanoltihkeh ixtlamatlatomachiwaloni, moneki tikontemos tlen kiyekana inin tlamachtilistli, ma mitzihli ken kualtis timomachiotis ik yipewas timomachtis.
17. Tla otikpanolti ixtlamatlatomachiwalli xipewa ximomachioti ipan tonal 24 ik 28 metztli enero ipan xiwitl 2022.
18. Akinmeh omomachtihkeh itech okseh tlanantli amo moneki oksemi nikonipanitaskeh (revalidación) ninmomachtilistli tla noso san moneki timomachis, yeh tla tiknekis ik nikan tipewas titekipanos, kema moneki tikonchiwas (revalidación) kemeh kontekixtia tlanawatil pampa ma seh tekiti ipan tlapowal 20.2 tlen omomela ipan 02/04/17 kanin omopatlak tlen okatka 286 tlen powi tech Secretaría de Educación Pública (http://www.dof.gob.mx/nota_detalle.php?codigo=5480031&fecha=18/04/2017).
19. Ikuahkoni nochtin akimeh kalakiskeh momachtiskeh moneki konpiaskeh nochi tlen kontlahtlani melahkayotl tlen ika ontlanonah wehweyi momachtilismeh.

Tlen moneki ika timomachiotis:

a) Mexikahmeh

1. Ficha tlen ika timomachiotis
2. Título profesional de la licenciatura (Amatl iwan ixkopinkayotl)
3. Certificado de estudios de licenciatura (Amatl iwan ixkopinkayotl)
4. Tlakatilisamatl (Acta de nacimiento), (Amatl iwan ixkopinkayotl)
5. CURP
6. Identificación oficial vigente (INE, pasaporte o cédula profesional de la licenciatura)
7. Amatl kan kihtowa otiktlahtlawih machiotilistli iwan ipatilis semestreh.
8. Tla timexikatl wan otikchi licenciatura itech okse tlanantli moneki tikteixpantis (revalidación).
9. Se amatl kanin titlahkuilos iwan tikihos tiyolmelawas kema tiwallas nochtin viernes iwan sabados itech inin maestriah (Carta compromiso)
10. Revalidación de estudios de licenciatura (San yehwan akinmeh momachtihkeh oksekan wehka tlalli).

b) Pinomah

1. Ficha tlen ika timomachiotis
2. Revalidación de estudios de licenciatura. Tla otimomachtih nikan Mexihko, xiktemaka tlen kihtowa ne ahko. (Amatl iwan ixkopinkayotl)
3. Se iixkopinkayoh moama kan kihtowa status migratorio (FM) iwan mopasaporte.
4. Documento de identidad (Amatl iwan ixkopinkayotl)
5. Amatl kan kihtowa otiktlahtlawih machiotilistli iwan ipatilis semestreh,
6. Se amatl kanin titlahkuilos iwan tikihos tiyolmelawas kema tiwallas nochtin viernes iwan sabados itech inin maestriah (Carta compromiso)

Ken tikihkuilos tlatemolistekitl iachtonexilis:

Momachtihkeh moneki tlahkuiloskeh se amatl, kanin kinextia tlen tlatemolistli kinekih kichiwaskeh ipan inin maestriah. Ompa kimachiotiskeh tlen ika tekipanoskeh. Ihkon kichiwaskeh:



Tlen moneki kípías:	Ken moneki machiohtos:
<p>Itokayoh tlatemolistekiti (Tituloh iwan kualtis kiwikas subtituloh) amo mapano sempoalli tlahtolmeh</p> <p>Achtotlachialistli (Ik kanin walewa motlatemolis)</p> <p>Owihkayoti (Tlen ipan tikneki titekipanos)</p> <p>Ipatilis (Tleika ipati in tlatemolistli tikchiwasneki)</p> <p>Weyi Ahsitilistli (tlen tikneki tikahsis)</p> <p>Ahsitili iohwipan (Tlen moneki tikchiwas ika tikahsis weyi ahsitilistli)</p> <p>Tlayehyekolohtli (ken tikyehyekos motlatemolis)</p> <p>Tlatemolchiwalohtli (ken tikchiwas motlatemolis)</p> <p>Tlachiw Waltonalpwalli (kemanian tikchiwas tlen tikchiwasneki)</p> <p>Amapowaltekpantli (tlen amoxmeh otikpoh)</p>	<ul style="list-style-type: none"> • Inin tlahkuilolistli, moneki tikmachiotis nochi ika nawatl. (Kualtis tiknehnekis san tlen tlahkuilolmachiotilistli tiknekis. San amo tikinnehnelos tlatlamantli tlahkuilolpanmeh). • Kualtis tikoihkuilos ik mahtlaktli noso kaxtollí iswatl. • Xikontlali xayakiswatl (portada) tlen kípía itokayoh inin maestriah, motokatzin, iwan tlen itoka motlatemolis, kanin tiwalewa iwan tlen tonalli titlahkuilowa. • Xitlahkuilo ika machiyotl Times New Roman, iweyitils II, (Tituloh iwan subtituloh amo moneki inin weyitilis). • Xiktlali innepowal iswameh. • Iswatenyoh (márgenes) ma yeto 2.5cm x 2.5cm. • Xikontlali amoxmeh tlen otikpoh, ipan ikxinotzalistli (nota al pie) noso itlamian tlahkuilolistli (kualtis tikpías san ome iswameh) • Kox tikpía itlah cita de internet, xikontlali ipan ikxinotzalistli noso ipan itlamian tlahkuilolistli. • Se tlatemolistekiti tlen kípía tlahkuilolistli moichtektok (plagiado), amo panos.

Calendario de ingreso generación 2022-2024

Actividad	Fechas
Achtomachiotlistli	Ipan tonal 10 metztli septiembre ik 04 octubre xiwitl 2021
Titlaxtlawatin pampa tikchiwas ixtlamatlatomachiwaloni	Ipan tonal 10 metztli septiembre ik 05 octubre xiwitl 2021
Kemania tiktlehkoltis amatl tlen ika otitlaxtla	Ipan tonal 10 metztli septiembre ik 05 octubre xiwitl 2021
Tla tikneki titlahtlanis itlah ipan motlaxtlawalli	Ipan tonal 10 metztli septiembre ik 07 octubre xiwitl 2021
Kemania tiktlehkoltis amatl kanin tikihtowa tichanti	Ipan tonal 10 metztli septiembre ik 07 octubre xiwitl 2021
Xiktlehkolti xayakixkopinkayotl	Ipan tonal 10 metztli septiembre ik 11 octubre xiwitl 2021
Oksemi amameh tlen moneki xikonintlehkolti	Ipan tonal 10 metztli septiembre ik 15 octubre xiwitl 2021
Xikonkixti mo kresensial tlen ika tikochiwas ixtlamatlatomachiwaloni.	Ipan tonal 18 metztli octubre ik 12 noviembre xiwitl 2021
Tlatlahtlanilistli	Ipan tonal 21 ik 27 metztli octubre xiwitl 2021
Ixtlamatlatomachiwaloni ika nawatl (EXHANA)	Tonal 28 metztli octubre xiwitl 2021
Ixtlamatlatomachiwaloni ik mokalihtik noso kanin timosalos (EXANI-III)	Tonal 13 metztli noviembre xiwitl 2021
Ken otikiski itech nochi ixtlamatlatomachiwaloni	Tonal 07 metztli diciembre xiwitl 2021

Xalapa, Veracruz, Mexikoh.
Tonal 10 metztli septiembre xiwitl 2021

Dr. Daniel Bello López
Director General de la Universidad
Veracruzana Intercultural

Dr. Rafael Nava Vite
Coordinador de la Maestría ipan
Totlahtol iwan Tonemilis